

_____ томонидан
20__ йил «__» _____
-сонли билан

«РҮЙХАТГА ОЛИНГАН»

Таъсисчиларнинг
Умумий йиғилиши
_____ томонидан
20__ йил «__» _____
-сонли баённомаси
билан

«ТАСДИҚЛАНГАН»

“ ”

mas'uliyati cheklangan jamiyatining

Ustavi

I. УМУМИЙ ҚОИДАЛАР

1.1. Масъулияти чекланган жамиятининг (бундан буён матнда «Жамият» деб юритилади) мазкур Устави Ўзбекистон Республикасининг «Масъулияти чекланган ҳамда қўшимча масъулиятли жамиятлар тўғрисида»ги Қонуни ва бошқа қонун хужжатлари, шунингдек Жамият Таъсисчиларининг 20__ йил « » _____даги Таъсис шартномаси асосида ишлаб чиқилган.

1.2. Жамиятнинг Таъсисчилари :

«_____»;

«_____».

1.3. Жамиятнинг тўлиқ расмий номи:

Давлат тилида — «_____» Mas'uliyati cheklangan jamiyati, қисқача номланиши — «_____» MCHJ;

Рус тилида — общество с ограниченной ответственностью «_____», краткое наименование — ООО «_____»;

1.4. Жамиятнинг жойлашган манзили: Ўзбекистон Республикаси,
_____ ш., _____ кўчаси, ___ уй.

1.5. Жамият чекланмаган муддатга ташкил этилади.

II. ЖАМИЯТНИНГ ЮРИДИК МАҚОМИ

2.1. Жамият Ўзбекистон Республикасининг қонун хужжатларига асосан юридик шахс ҳисобланади. Жамият давлат рўйхатидан ўтказилганидан кейин юридик шахс хукуқига эга бўлади.

2.2. Жамият ўз фаолиятини мазкур Устав ва Ўзбекистон Республикасининг қонунларига мувофиқ ва таъсис хужжатларига асосан амалга оширади.

2.3. Жамият ўз мажбуриятлари бўйича Ўзбекистон Республикасининг қонун хужжатларига мувофиқ жавоб беради. Жамиятнинг иштирокчилари унинг мажбуриятлари бўйича жавобгар бўлмайдилар ва жамият фаолияти билан боғлиқ зарарлар учун ўзлари қўшган ҳиссалар қиймати доирасида жавобгар бўладилар. Жамиятнинг ўз ҳиссасини тўла қўшмаган иштирокчилари жамият мажбуриятлари бўйича ҳар бир иштирокчи ҳиссасининг тўланмаган қисмининг қиймати доирасида солидар жавобгар бўладилар.

2.4. Жамият ўзининг фирма номи билан штамп ва бланкаларга, шунингдек белгиланган тартибда рўйхатга олинган ўз эмблемасига, товар белгисига эга бўлишга ҳақли.

2.5. Жамият ўз эгалигига мустақил балансда ҳисобга олинадиган алоҳида мол-мулкка эга, ўз номидан хукуқлар ва мажбуриятлар олиши, судда даъвогар ва жавобгар бўлиши мумкин.

III. ЖАМИЯТНИНГ ФИЛИАЛЛАРИ ВА ВАКОЛАТХОНАЛАРИ

3.1. Жамият Ўзбекистон Республикасининг қонун хужжатлари талбларига мувофиқ ваколатхоналар ва филиаллар ва бошқа алоҳида бўлинмалар тузишга ҳақли.

IV. ЖАМИЯТНИ ТАШКИЛ ЭТИШДАН МАҚСАД ВА ФАОЛИЯТ ТУРЛАРИ

4.1. Жамиятни ташкил этишдан асосий мақсад Ўзбекистон иқтисодиётига янги ишлаб чиқариш технологияларини тадбиқ қилиш, ички бозорни халқ истеъмоли товарлари билан тўлдириш, шунингдек турли хил тижорат хизматларини кўрсатиш, натижада таъсисчилар манфаатлари учун фойда олиш.

Жамият фаолиятининг предмети бўлиб _____, шу жумладан:
— _____;
— _____.

— қонун хужжатлари билан тақиқланмаган бошқа ҳар қандай фаолият турлари.

4.2. Амалга оширилиши учун маҳсус рухсатнома (лицензия) талаб қилинадиган фаолият тегишли маҳсус рухсатнома (лицензия) олинганидан кейингина амалга оширилади.

V. ТАЪСИСЧИЛАРНИНГ ҲУҚУҚ ВА МАЖБУРИЯТЛАРИ

5.1. Жамият таъсисчилари қуидагиларга ҳақлидирлар:

- Жамиятнинг таъсис хужжатларида белгиланган тартибда Жамиятнинг ишларини бошқаришда иштирок этиш;
- қонун хужжатларида ва жамият таъсис хужжатларида белгиланган тартибда жамиятнинг фаолияти тўғрисида ахборот олиш ҳамда унинг бухгалтерия дафтарлари ва бошқа хужжатлари билан танишиш;
- фойданни тақсимлашда ва унинг тегишли қисмини олишда иштирок этиш;
- Жамиятнинг устав фондидағи ўз улушини ёхуд унинг бир қисмини қонун хужжатларида ва Жамиятнинг уставида назарда тутилган тартибда мазкур Жамиятнинг бир ёки бир неча таъсисчисига ёхуд учинчи шахсларга сотиш ёки ўзга тарзда уларнинг фойдасига воз кечиш;
- Жамият бошқа таъсисчиларининг розилигидан қатъий назар қонун хужжатларида ва Жамиятнинг таъсис хужжатларида назарда тутилган тартибда исталган вактда Жамият таъсисчилари таркибидан чиқиши;
- Жамият тугатилган тақдирда, кредиторлар билан ҳисоб-китоб қилинганидан кейин қолган мол-мулкнинг бир қисмини ёки унинг қийматини олиш;
- жами улушлари Жамият устав фондининг камида ўн фоизини ташкил этадиган Жамият таъсисчилари ўз мажбуриятларини кўпол бузაётган ёхуд ўз ҳаракатлари ёки ҳаракатсизлиги билан Жамиятнинг фаолият кўрсатишига имкон бермаётган ёки уни жиддий тарзда қийинлаштираётган таъсисчини Жамиятдан суд тартибida чиқарилишини талаб қилишга ҳақлидирлар;
- Жамият Таъсисчилари Жамиятнинг таъсис хужжатларида назарда тутилган бошқа ҳукуқларга ҳам эга бўлишлари мумкин.

5.2. Жамият Таъсисчиларининг мажбуриятлари:

- Жамиятнинг таъсис хужжатларида назарда тутилган қоидаларга амал қилишлари;
- Жамиятнинг таъсис хужжатларида назарда тутилган тартибда, миқдорда, усуулларда ва муддатларда ҳисса кўшишлари;
- Жамият фаолияти тўғрисидаги сир тутилган ахборотни ошкор қилмасликлари шарт.

Жамият таъсисчиларига Жамиятнинг таъсис хужжатларида назарда тутилган бошқа мажбуриятлар ҳам юкланиши мумкин.

VI. ЖАМИЯТНИНГ МОЛ-МУЛКИ ВА МАБЛАҒЛАРИ

- 6.1. Жамият мустақил равишда ўзига тегишли мол-мулкдан фойдаланади.
- 6.2. Жамиятнинг мол-мулки ва маблағлари Таъсисчиларга уларнинг устав фондидаги улашларига мутаносиб равишда тегишли бўлади.
- 6.3. Жамиятнинг мол-мулки:
 - Таъсисчиларнинг улушларидан;
 - Жамият фаолияти натижасида олинган фойдадан;
 - фуқароларнинг, шунингдек муассасалар, корхоналар ва жамоат ташкилотларининг ихтиёрий улушлари ва ажратмаларидан;
 - Ўзбекистон Республикасининг қонун хужжатлари билан рухсат этилган ижара ва бошқа тўловлар ва бадаллардан;
 - қайтариб олинмайдиган ёрдам ва хайрия бадалларидан;
 - Ўзбекистон Республикасининг амалдаги қонун хужжатлари билан тақиқланмаган бошқа манбалардан шакллантирилади.

VII. ЖАМИЯТНИНГ УСТАВ ФОНДИ

- 7.1. Жамиятнинг ташкил этилиши ва фаолиятини амалга ошириши учун Таъсисчилар _____ сўм микдорида устав фонди шакллантиришади.
- 7.2. Таъсисчиларнинг устав фондидаги улушлари қўйидагича:
 - «_____» — _____ сўм, яъни %;
 - «_____» — _____ сўм, яъни %;
- 7.3. Жамият давлат рўйхатидан ўтказилгунга қадар Таъсисчиларнинг ҳар бирини устав фондидаги 30% улушкини киритади.
- 7.4. Устава фондининг қолган қисми давлат рўйхатидан ўтказилганидан кейин бир йил мобайнида киритилиши ва бу ҳақда рўйхатдан ўтказувчи органга маълумот берини лозим.
- 7.5. Жамиятнинг устав фондидаги Таъсисчиларнинг улушлари пул, мол-мулк, асбоб-ускуна, кўчмас мулк, интеллектуал мулк ва ҳ.к.лар билан киритилиши мумкин.
- 7.6. Жамият Таъсисчилар Умумий йиғилишининг қарорига асосан Устав фондини кўпайтириши ёки камайтириши мумкин.
- 7.7. Устав фондини кўпайтириш тўғрисидаги қарор Таъсисчилар томонидан ўз улушлари тўлиқ киритилганидан кейингина қабул қилиниши мумкин. Устав фондини кўпайтириш Таъсисчилар томонидан кўшимча улушлар киритиш ва/ёки Жамиятнинг соғ фойдаси хисобидан амалга оширилиши мумкин. Жамиятнинг устав фондини соғ фойда хисобидан кўпайтириш тўғрисидаги қарор фақатгина бундай қарор қабул қилинган йилдаги Жамиятнинг бухгалтерия хисботи маълумотлари асосида қабул қилиниши мумкин.
- 7.8. Жамиятнинг устав фондини камайтириш Таъсисчиларга тегишли бўлган улушларнинг номинал қийматини камайтириш йўли билан амалга оширилиши мумкин. Жамият устав фондини камайтириш ва унинг янги микдори тўғрисида қарор қабул қилинган вақтдан бошлаб ўттиз кун мобайнида Жамиятнинг унга маълум бўлган барча кредиторларини хабардор қилиши, шунингдек қабул қилинган қарор тўғрисида оммавий ахборот воситаларида маълумот эълон қилиши шарт.
- 7.9. Устав фондини ўзгартириш тўғрисидаги қарор учинчи шахслар учун Устав ва Таъсис шартномасига тегишли ўзгартиришлар ва кўшимчалар давлат рўйхатидан ўтказилганидан кейингина кучга киради.

VIII. ТАЪСИСЧИЛАРНИНГ ЖАМИЯТ ТАЪСИСЧИЛАРИ САФИДАН ЧИҚИШИ ВА УНИНГ ОҚИБАТЛАРИ

8.1. Жамиятнинг ҳар қандай Таъсисчиси Жамият Таъсисчилари сафидан чиқиши хукуқига эга. Бундай ҳолатда Таъсисчи устав фондидаги ўз улушкини қолган Таъсисчиларга, ёхуд уларнинг розилиги бўйича учинчи шахсларга сотиш ёки уларнинг фойдасига воз кечиш хукуқига эга.

8.2. Таъсисчи Таъсисчилар сафидан чиқишида унга ўзи томонидан устав фондига киритилган улушнинг ҳақиқий қиймати натура ёки ҳақиқий қийматига тенг бўлган пул кўринишида ҳолида қайтарилади.

8.3. Жамият Таъсисчиси ўзгартирилганидан кейин Жамиятнинг таъсис хужжатларига зарурый ўзгартиришлар ва қўшимчалар киритиши лозим.

8.4. Жамиятнинг таъсис хужжатларига киритилган ўзгартиришлар учинчи шахслар учун улар давлат рўйхатидан ўтказилганидан кейин кучга киради.

IX. ЖАМИЯТ ТАЪСИСЧИСИ УЛУШИ (УЛУШИ ҚИСМИ)НИНГ УЧИНЧИ ШАХСЛАРГА ЎТИШИ

9.1. Жамият Таъсисчиларидан ҳар бири Жамиятнинг устав фондидаги ўз улушкини ёки улушкининг қисмини учинчи шахсларга сотишга ёки бошқача шаклда уларнинг фойдасига воз кечишга ҳақли.

9.2. Жамият Таъсисчисининг улуси тўлиқ тўланган давргача бўлган муддатда тўланган қисми бўйичагина бегоналаштирилиши мумкин.

9.3. Жамият устав фондидаги улушдан воз кечиш қуидаги шаклда амалга оширилиши мумкин:

– юридик шахснинг аризаси фирма бланкасида тўлдирилади ва муҳр билан тасдиқланади (чет эл юридик шахсининг аризаси қонун хужжатларида белгиланган тартибда нотариал тасдиқланиши ёки легализация қилиниши лозим).

9.4. Мазкур Устав билан назарда тутилмаган ҳолатлар Ўзбекистон Республикасининг амалдаги қонун хужжатлари билан тартибга солинади.

X. ЖАМИЯТНИНГ ҲУЖЖАТЛАРИНИ САҚЛАШ

10.1. Жамият қуидаги хужжатларни сақлашга мажбур:

– Жамиятнинг таъсис хужжатлари, шунингдек таъсис хужжатларига киритилган ва белгиланган тартибда давлат рўйхатидан ўтказилган ўзгартириш ва қўшимчаларни;

– Жамиятни ташкил этиш ва Жамиятнинг устав фондига пул кўринишида бўлмаган улушларни пулда баҳолашни тасдиқлаш тўғрисидаги Жамият Таъсисчилари (Таъсисчилари)нинг умумий йиғилиши баённомаларини, шунингдек Жамиятни ташкил этиш билан боғлиқ бўлган бошқа қарорларни;

– Жамиятнинг давлат рўйхатидан ўтказилганлигини тасдиқловчи хужжатни;

– Жамиятнинг балансида бўлган мол-мулкка бўлган хукуқини тасдиқловчи хужжатларни;

– Жамиятнинг филиаллари ва ваколатхоналари тўғрисидаги низомларни;

– Жамият Таъсисчиларининг Умумий йиғилиши, Жамиятнинг ижро этувчи органи баённомаларини;

– мустакил аудиторлик ташкилотлари хulosаларини;

– қонун хужжатларида назарда тутилган бошқа хужжатларни.

10.2. Юкорида айтиб ўтилган хужжатлар ижро этувчи орган жойлашган жойда сақланади.

10.3. Агарда амалдаги қонун хужжатлари билан бошқача қоидалар белгиланган бўлмаса, Жамият мазкур Уставнинг 10.1. бандида кўрсатиб ўтилган хужжатларни доимо сақлайди.

10.4. Жамият ҳар қандай Таъсисчининг талаби билан унга ахборот, шунингдек таъсис хужжатларини унга киритилган ўзгартириш ва қўшимчалар билан тақдим қилиши ёки нусха бериши шарт.

XI. ҲИСОБ ВА ҲИСОБОТ

11.1. Жамият ўз фаолиятини мустақил режалаштиради ва ўз маҳсулоти ва хизматларига нархларни бозор конъюктурасидан келиб чиқиб белгилайди.

11.2. Корхона мустақил равишда бухгалтерия ҳисобини, статистика ва молиявий ҳисоботни қонун хужжатларида белгиланган тартибда амалга оширади.

11.3. Жамиятнинг моддий-техника базасини асосий ва айланма маблағлар, шунингдек бошқа моддик активлар ва молиявий захиралар ташкил этади. Жамиятнинг барча маблағлари тўлиқ унинг тасарруфида бўлади ва Ўзбекистон Республикасининг қонун хужжатларида назарда тутилган ҳоллардан ташқари олиб қўйилиши мумкин эмас.

11.4. Жамият мустақил равишда Жамиятнинг ташкилий тузилмасини ва штат жадвалини ишлаб чиқади, ходимларнинг билимлари ва кўнимкалари даражасини белгилайди, меҳнатга ҳақ тўлаш ва рағбатлантириш тўғрисидаги масалаларни Ўзбекистон Республикаси қонунларига мувофиқ ҳал қиласди.

11.5. Белгиланган муддатларда олинган даромадлар тўғрисидаги ҳисоботларни, шунингдек қонунда белгиланган ҳисоботларни статистика, молия ва солиқ органларига топширади.

XII. ДАРОМАДНИ ТАҚСИМЛАШ ВА ЗИЁНЛАРНИ ҚОПЛАШ

12.1. Жамият барча мажбурий тўловлар ва солиқларни тўлаганидан кейин унинг ҳисобида қолган маблағлар Жамиятнинг фойдасини ташкил этади.

12.2. Амалдаги қонун хужжатларига мувофиқ даромаддан белгиланган солиқлар ва тўловлар, шу жумладан давлат суғурта жамғармаси, пенсия жамғармасига тўловлар, ижара тўлови ва ҳ.к. тўланади.

12.3. Жамият ҳар бир бажариладиган лойиҳанинг тасдиқланган бюджетига мувофиқ бажарувчининг сарф-харажатларини қоплайди. Жамият ҳар бир бажариладиган лойиҳанинг тасдиқланган бюджетига мувофиқ бажарувчилар билан ишларни бажариш тўғрисида контрактлар тузади. Жамият томонидан контрактлар бўйича тўловлар тасдиқланган ишларни бажариш режа-жадвалига мувофиқ амалга оширилади.

12.4. Жамият устав фондининг 15% микдорида захира фонди шакллантириши мумкин. Жамиятнинг захира фонди унинг зиёнларини қоплаш ва қонун хужжатларида назарда тутилган ҳолларда Жамиятнинг устав фондиаги улушни (улушнинг қисмини) сотиб олиш учун мўлжалланган.

12.5. Жамият Ўзбекистон Республикасининг қонун хужжатларида тақиқланмаган тартибда нақд пулда ва нақд бўлмаган қийматда ўз хизматларини кўрсатади ва маҳсулотини сотади.

XIII. ЖАМИЯТНИНГ БОШҚАРУВ ОРГАНЛАРИ

13.1. Жамиятнинг бошқарув органлари бўлиб:

- Таъсисчиларнинг Умумий йиғилиши- олий бошқарув органи;
- Директор жамиятнинг ижро этувчи органи бўлиши мумкин.

13.2. Жамиятда кузатув кенгashi ва тафтиш комиссиясини белгиланган тартибда ташкил этиши мумкин.

XIV. ИШТИРОКЧИЛАРНИНГ УМУМИЙ ЙИФИЛИШИ

14.1. Жамиятнинг олий бошқарув органи бўлиб Жамият Таъсисчиларининг умумий йиғилиши ҳисобланади.

14.2. Таъсисчилар Умумий йиғилишда устав фондидаги ўз улушларига мутаносиб равишда овозлар сонига эгадирлар.

14.3. Таъсисчилар умумий йиғилишининг Раиси ва котиби Умумий йиғилиш томонидан сайланади.

14.4. Жамият Таъсисчилари умумий йиғилишининг мутлақ ваколатлари жумласига куйидагилар киради:

– Жамият фаолиятининг асосий йўналишларини белгилаш, шунингдек тижорат ташкилотларининг бошқа бирлашмаларида иштирок этиш тўғрисида қарор қабул қилиш;

а) Жамиятнинг уставини тасдиқлаш;

б) устав фондининг миқдорини белгилаш ва ўзгартириш;

в) таъсис ҳужжатларига ўзгартишлар ва қўшимчалар киритиш;

г) ижро этувчи органларини тузиш ва уларнинг ваколатларини муддатидан илгари тугатиш;

д) йиллик ҳисботларни ва йиллик бухгалтерия балансларини тасдиқлаш;

е) Жамиятнинг соф фойдасини Жамият Таъсисчилари ўртасида тақсимлаш тўғрисида қарор қабул қилиш;

ж) жамият органларининг фаолиятини тартибга солувчи ҳужжатларни тасдиқлаш (қабул қилиш);
з) аудиторлик текширувини ўтказиш тўғрисида қарор қабул қилиш, аудиторлик ташкилотлари ҳамда уларнинг хизматларига тўланадиган ҳақнинг энг кўп миқдорини аниқлаш;

и) бошқа юридик шахсларни, ваколатхоналар ва филиалларни тузиш тўғрисида қарор қабул қилиш;

к) жамиятни қайта ташкил этиш ёки тугатиш тўғрисида қарор қабул қилиш;

л) тугатиш комиссиясини тайинлаш ва тугатиш балансларини тасдиқлаш.

Кўрсатиб ўтилган масалалар, шунингдек Жамиятнинг устави билан белгиланган бошқа масалалар бўйича қарорлар Таъсисчиларнинг кўпчилик овози билан қабул қилинади. а, б, в, е, к, л бандларда кўрсатиб ўтилган масалалар бўйича қарорлар Жамиятнинг барча Таъсисчилари томонидан қабул қилинади.

XV. ИЖРО ЭТУВЧИ ОРГАН

15.1. Жамиятнинг ижро этувчи органи бўлиб Жамиятнинг жорий фаолиятига раҳбарликни амалга оширувчи Директор ҳисобланади.

15.2. Жамиятнинг Директории Таъсисчиларнинг Умумий йиғилиши томонидан тайинланади ва худди шундай тартибда лавозимидан озод қилинади.

15.3. Жамият ва Жамиятнинг Директори ўртасидаги шартнома, Жамият номидан, Директор тайинланган Жамият Таъсисчиларининг Умумий йиғилишида раислик қилувчи ёки Жамият Таъсисчиларнинг Умумий йиғилиши томонидан ваколат берилган Жамият таъсисчиси томонидан имзоланади.

15.4. Директор лавозимига Ўзбекистон Республикаси фуқароси сайланиши мумкин. Директор билан тузилган меҳнат шартномасини Директорни тайинлаш тўғрисидаги масала кўриб чиқилган Жамият Таъсисчиларнинг Умумий йиғилиши раиси имзолайди.

15.5. Директор лавозимидан Таъсисчиларнинг Умумий йиғилиши қарори билан лавозимидан озод қилиниши мумкин.

15.6. Жамиятнинг Директори:

- Жамият номидан ишончномасиз иш юритади, унинг манфаатларини Ўзбекистон Республикаси давлат органларида ва бошқа давлатлар органларида, корхоналар, ташкилотлар ва муассасаларда ифодалайди ва, шунингдек битимлар тузади;
- жамият номидан вакиллик қилиш ҳуқуқи учун ишончномалар беради, банкларда ҳисоб-китоб рақамлари ва бошқа ҳисоблар очади;
- Жамиятнинг ташкилий тузилмасини ва штат жадвалини ишлаб чиқади ва тасдиқлади;
- Жамият ходимлари билан меҳнат шартномалари тузади ва уларни бекор қиласди, ходимларга нисбатан рағбатлантириш чораларини ва интизомий жазоларни кўллади;
- Жамиятнинг барча ходимлари учун мажбурий бўлган буйруқлар ва фармойишлар чиқаради;
- Таъсисчилар қарорлари тузиш ва бажаришни ташкиллаштиради ва уларнинг бажарилиши тўғрисида ҳисботлар тақдим этади;
- Жамият бўйича ҳисботлар тақдим этилишини ташкиллаштиради;
- Таъсисчилар томонидан унга юклатилган бошқа ваколатларни амалга оширади.

15.7. Директор Таъсисчилар Умумий йигилишига ҳисбот беради ва унинг олдида Жамият фаолиятининг амалга оширилиши ҳамда унга юклатилган вазифа ва топшириқларнинг бажарилиши учун жавобгардир.

15.8. Директор Жамият мол-мулкини тасарруф этиши ва Таъсисчиларнинг Умумий йигилиши қарори бўйича йирик битимлар тузиши мумкин.

XVI. ЖАМИЯТ ФАОЛИЯТИ ЮЗАСИДАН НАЗОРАТ

16.1. Жамиятда алоҳида назорат қилувчи органинг тузилиши кўзда тутилмаган.

16.2. Жамиятнинг молиявий-хўжалик фаолияти устидан назорат Таъсисчилар ёхуд мустақил аудиторлик ташкилоти томонидан амалга оширилади.

XVII. ХОДИМЛАР

17.1. Жамият маъмурияти ходимлар билан жамоа шартномасини имзолайди. Ушбу шартноманинг мазмуни, шу жумладан «Ходимларнинг ижтимоий таъминоти ва уларни ижтимоий ҳимоя қилиш тўғрисидаги Низом» Ўзбекистон Республикасининг қонун хужжатлари, мазкур Устав, шунингдек Жамият фаолиятининг хусусиятлари билан белгиланади.

17.2. Жамият ходимлари — Ўзбекистон Республикаси фуқароларининг иш вақти ва дам олиш тартиби, уларнинг ижтимоий, пенсия таъминоти ва ижтимоий суғуртаси Ўзбекистон Республикаси қонун хужжатлари нормалари билан тартибга солинади. Ушбу нормалар Жамиятнинг чет эллик ходимларига ҳам тадбиқ этилади, ҳар бир чет эллик ходим билан алоҳида тузиладиган шартнома (контракт)да ҳал қилинадиган меҳнатга ҳақ тўлаш, меҳнат таътиллари бериш, пенсия таъминоти масалалари бундан мустасно.

XVIII. ЖАМИЯТНИНГ ТИЖОРАТ СИРИ

18.1. Жамиятнинг тижорат сири дейилганида тарқатилиши (бериш, узатиш) унинг манфаатлариға зарар етказувчи, Жамиятни бошқариш, режалаштириш, молиялаштириш ва бошқа фаолияти билан боғлиқ бўлган услубий ахборот, маълумотлар тушунилади.

18.2. Ҳар бир ходим Жамиятнинг молиявий ва бошқа фаолияти билан боғлиқ бўлган ҳар қандай, шу жумладан тасодифан олинган маълумотнинг тарқалиб кетмаслик чораларини кўриши ва бундай ахборотнинг тарқатилишидан огоҳлантириш шарт.

18.3. Тижорат сири тарқатилган ҳолда Директор ахборотнинг тарқалишидан огоҳлантириш учун барча чораларни кўради ҳамда айбдор шахсга нисбатан уни эгаллаб турган лавозимидан озод қилишгача бўлган чораларни қўллади.

XIX. ЖАМИЯТНИ ҚАЙТА ТАШКИЛ ЭТИШ ВА ТУГАТИШ

19.1. Жамиятни қайта ташкил этиш ёки тугатиш Ўзбекистон Республикаси Фуқаролик кодексининг 49—55-моддаларида ва «Масъулияти чекланган ҳамда қўшимча масъулиятли жамиятлар тўғрисида» Ўзбекистон Республикаси Қонунининг 49—55-моддаларида назарда тутилган тартибда қайта ташкил этилади ёки тугатилади.

19.2. Жамиятни қайта ташкил этиш Таъсисчиларнинг Умумий йиғилиши қарори бўйича қўшиб юбориш, бирлаштириш, бўлиш, ажратиб чиқариш ва қайта тузиш шаклида амалга оширилади.

19.3. Жамиятни тугатиш Таъсисчиларнинг Умумий йиғилиши қарори ёки Хўжалик судининг қарори асосида амалга оширилади.

19.4. Жамиятни давлат рўйхатига олган томонидан ягона давлат реестрига тегишли ёзув киритилган вақтдан бошлаб тугатиш тугалланган, Жамият эса ўз фаолиятини тугатган деб ҳисобланади.

XX. НИЗОЛАРНИ ҲАЛ ҚИЛИШ

20.1. Таъсис шартномаси ва Устав бўйича келиб чиқадиган барча низо ва келишмовчиликлар Таъсисчиларнинг ўзаро келишуви йўли билан амалдаги қонун хужжатлари, Таъсис шартномаси ва Уставга асосан ҳал қилинади.

20.2. Низо ва келишмовчиликларни музокаралар йўли билан ҳал қилиш имконияти бўлмаган тақдирда улар Ўзбекистон Республикасининг хўжалик суди орқали ҳал қилинади.

XXI. ЯКУНИЙ ҚОИДАЛАР

21.1. Мазкур Устав Жамият Ўзбекистон Республикасининг қонун хужжатларида белгиланган тартибда давлат рўйхатига олинган вақтдан бошлаб кучга киради.

21.2. Ўзбекистон Республикасининг амалдаги қонун хужжатлари билан тартибга солинмаган масалалар, қонунда бошқа ҳоллар назарда тутилмаган бўлса, ушбу Уставга мувофиқ тартибга солинади.

Таъсисчилар: